

JK
06072

**CENTRALNA BANKA
BOSNE I HERCEGOVINE**
Broj: 150-15-4-1090-16/20 MM
Sarajevo, 03.07-2020. godine

Na osnovu člana 70. stav (1) i (3) i člana 72. stav (3) tačka a) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

O D L U K U
o izboru drugorangiranog ponuđača u postupku javne nabavke usluge održavanje i servisiranje agregata – LOT 3

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga održavanja i servisiranja agregata za potrebe Glavne banke Republike Srpske Centralne banke BiH – LOT 3 dodjeljuje drugorangiranom ponuđaču REAP d.o.o. Istočno Sarajevo, u svemu prema Ponudi broj: 113-073/20-P od 04.05.2020. godine, na period od jedne godine.

Član 2.

Ponuda ponuđača iz člana 1. ove odluke, nakon završene e-aukcije, iznosi

13.600,00 KM bez PDV-a
(slovima: trinaesthiljadašeststotina konvertibilnih maraka i 00/100)

odnosno

15.912,00 KM sa uračunatim PDV-om
(slovima: petnaesthiljadadevetstotinadvanaest konvertibilnih maraka i 00/100).

Član 3.

Stavlja se van snage Odluka o izboru najpovoljnijeg ponuđača u postupku javne nabavke usluga usluge održavanje i servisiranje agregata – LOT 3 broj: 150-15-4-1090-9/20 MM od 05.06.2020. godine, jer je izabrani ponuđač propustio dostaviti originale ili ovjerene kopije dokumenata iz člana 45. Zakona o javnim nabavkama u ostavljenom roku od 5 dana.

Član 4.

(1) Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum na period od jedne godine.

(2) Za izvršenje okvirnog sporazuma za LOT 3 zadužuje se Glavna banka Republike Srpske Centralne banke BiH.

Član 5.

Centralna banka će o rezultatima provedenog postupka javne nabavke obavijestiti ponuđače.

149

JK

JK

Član 6.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za računovodstvo i finansije Centralnog ureda Centralne banke Bosne i Hercegovine i Glavna banka Republike Srpske Centralne banke BiH.

Član 7.

Ova Odluka će se objaviti na web stranici Centralne banke www.cbbh.ba istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga održavanja i servisiranja uređaja za alternativno napajanje električnom energijom (agregati i UPS-ovi), za potrebe Centralne banke Bosne i Hercegovine, otvorenim postupkom, pokrenut je Odlukom, broj: 150-15-4-1090-2/20 SAK od 09.04.2020. godine.

U skladu s tim, Centralna banka je 17.04.2020. godine na portalu Javnih nabavki objavila Obavještenje o nabavci broj: 1370-1-2-176-3-135/20.

U predviđenom roku za dostavljanje ponuda, do 05.05.2020. godine do 10:00, blagovremeno su dostavljene dvije ponude za LOT 3 i to:

- ENERGOINVEST – SUE d.d. Sarajevo,
- REAP d.o.o. Istočno Sarajevo.

Komisija za provođenje postupka javne nabavke je izvršila pregled i ocjenu ponuda i zaključila da sve pristigle ponude zadovoljavaju uslove tražene tenderskom dokumentacijom za LOT 3, a što je navedeno i u Zapisniku o pregledu i ocjeni ponuda broj: 149-15-4-1184-7/20 i Izvještaju o radu sa preporukom broj, 149-15-4-1184-8/20, oba od 21.05.2020.godine.

Sa navedena dva ponuđača je zakazana e-aukcija za dan 20.05.2020. godine. Po završetku e-aukcije prvorangirana ponuda je ponuda ponuđača ENERGOINVEST – SUE d.d. Sarajevo.

U skladu sa navedenim Centralna banka je donijela Odluku o izboru najpovoljnijeg ponuđača u postupku javne nabavke usluga održavanje i servisiranje agregata – LOT 3, broj: 150-15-4-1090-9/20 MM od 05.06.2020. godine, kojom je ugovor dodijeljen ponuđaču ENERGOINVEST – SUE d.d. Sarajevo. Navedena Odluka je zajedno uz Obavještenje o rezultatima postupka javne nabavke, broj: 150-15-4-1090-13/20 MM od 05.06.2020. godine dostavljena svim ponuđačima koju su učestvovali u postupku nabavke.

U skladu sa tačkom 1.2. tenderske dokumentacije i Obavještenjem o rezultatima postupka javne nabavke, obaveza izabranog ponuđača je bila da roku od 5 dana od dana zaprimanja obavještenja dostavi dokaze o ispunjavanju uslova iz člana 45. Zakona o javnim nabavkama. Izabrani ponuđač je navedeno Obavještenje zaprimio dana 08.06.2020. godine.

Komisija je dana 25.06.2020. godine održala sastanak na kojem se konstatovala da je ponuđač ENERGOINVEST – SUE d.d. Sarajevo propustio u roku od pet dana da dostavi originale ili ovjerene kopije dokumenata iz člana 45. Zakona o javnim nabavkama, a što je navedeno i u Zapisniku sa sastanka Komisije održanog dana 25.06.2020. godine, broj: 149-15-4-1184-11/20. U navedenom zapisniku Komisija je dala preporuku da se ugovor dodjeli ponuđaču čija je ponuda po rang – listi

Md

fm

8

odmah nakon ponude ponuđača ENERGOINVEST – SUE d.d. Sarajevo, odnosno da se ugovor dodijeli ponuđaču REAP d.o.o. Istočno Sarajevo.

Postupajući po navedenoj preporuci Komisije i primjenjujući članu 72. stav (3) tačka a) Zakona o javnim nabavkama, odlučeno je kao u dispozitivu ove odluke

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

bc
GUVERNER
dr. Senad Softić


Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Glavna banka Republike Srpske Centralne banke BiH;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)

dsr

dsr

↙